

**Bosna i Hercegovina  
Federacija Bosne i Hercegovine  
Zeničko-dobojski kanton  
OPĆINA VAREŠ  
OPĆINSKO VIJEĆE**



**Broj: 01-189 /09  
Vareš, 04.08. 2009. godine**

Na osnovu čl. 311.i 313. Zakona o privrednim društvima („Službene novine FBiH, broj: 23/99,45/00,2/02,6/02,29/03,68/05,91/07 i 84/08), člana 3. Zakona o javnim preduzećima u Federaciji BiH („Službene novine FBiH“, broj: 08/05,81/08 i 22/09,), člana 4. Zakona o sukobu interesa u organima vlasti u Federaciji BiH („Službene novine FBiH“, broj: 70/08) i člana 22. Statuta Općine Vareš, broj: 01-25/09 od 29.01.2009. godine, Općinsko vijeće Vareš, na 10. sjednici održanoj dana 04.08.2009. godine, d o n o s i

## **O D L U K U**

### **o izmjenama Odluke o usklađivanju statusa Javnog preduzeća Veterinarska stanica Vareš sa Zakonom o javnim preduzećima u Federaciji BiH i Zakonom o privrednim društvima**

#### **Član 1.**

U Odluci o usklađivanju statusa Javnog preduzeća Veterinarska stanica Vareš sa Zakonom o javnim preduzećima u Federaciji BiH i Zakonom o privrednim društvima br.01-14/06 od 15.02.2006. godine član 7. mijenja se i glasi:

“Funciju Skupštine Javnog preduzeća obavlja osnivač.

Skupštinu imenuje Općinsko vijeće, na prijedlog Općinskog načelnika i čiji mandat je 4 godine. Skupština se sastoji od tri člana iz reda zaposleni u jedinstvenom općinskom organu uprave Općine Vareš.

Skupština je najviši organ upravljanja koja obavlja sljedeće poslove:

- donosi Statut Javnog preduzeća;
- vrši raspodjelu godišnje dobiti i pokriće gubitaka;
- odlučuje o povećanju i smanjenju osnovnog kapitala;
- odlučuje o osnivanju i kupovini drugih preduzeća;
- donosi plan poslovanja, investiranja i trajne poslovne saradnje odnosno povezivanje sa drugim preduzećima;
- donosi Etički kodeks, pslovnike i druge opće akte na prijedlog Nadzornog odbora;
- imenuje i razrješava Nadzorni odbor i Odbor za reviziju;
- usvaja godišnji izvještaj Javnog preduzeća koji uključuje finansijski izvještaj i izvještaj revizora, Nadzornog odbora i Odbora za reviziju;
- vrši promjenu oblika i podjele Javnog preduzeća;
- odlučuje o naknadama članova Nadzornog odbora i Odbora za reviziju;
- razmatra i ostala pitanja u skladu sa Zakonom o privrednim društvima, Zakonom o javnim preduzećima u Federaciji BiH i Statutom Javnog preduzeća.“

Član 2.

Javno preduzeće je obavezno uskladiti akte sa ovom odlukom, te Zakonom o javnim preduzećima i Zakonom o privrednim društvima u Federaciji BiH, u roku od 40 dana od dana stupanja na snagu ove odluke.

Član 3.

Ova odluka stupa na snagu osmog dana od dana objavljivanja na oglasnoj tabli Općinskog vijeća Vareš.

**PREDSJEDAVAJUĆI  
OPĆINSKOG VIJEĆA**

**Josip Malbašić**

Ova odluka objavljena je na oglasnoj tabli Općinskog vijeća Vareš, dana 05.08. 2009. godine.

**OPĆINSKI NAČELNIK**

**Hamdo Fatić**

## **OBRAZLOŽENJE**

### **Odluke o izmjenama Odluke o usklađivanju statusa Javnog preduzeća Veterinarska stanica Vareš sa Zakonom o javnim preduzećima u Federaciji BiH i Zakonom o privrednim društvima**

Pravni osnov za donošenje Odluke o izmjenama Odluke o usklađivanju statusa Javnog preduzeća Veterinarska stanica Vareš sa Zakonom o javnim preduzećima u Federaciji BiH i Zakonom o privrednim društvima sadržan je u članu 4. Zakonom o sukobu interesa u organima vlasti u Federaciji BiH („Službene novine FBiH“, broj: 70/08) gdje je precizirana nespojivost funkcije izabranih dužnosnika sa članstvom u skupštinama javnih preduzeća radi čega su općinski vijećnici podnijeli ostavke na članstvo u skupštinama javnih preduzeća te je bilo potrebno izmijeniti i precizirati član 7. Odluke o usklađivanju statusa Javnog preduzeća Veterinarska stanica Vareš sa Zakonom o javnim preduzećima u Federaciji BiH i Zakonom o privrednim društvima

**PREDLAGAČ**  
**OPĆINSKI NAČELNIK**  
Hamdo Fatić